

খেলা

হাফটাইম শোতে কত পারিশ্রমিক নিলেন শাকিরা?

প্রতিবেদক: ক্রীড়া ডেস্ক

প্রকাশের তারিখ: সোমবার, ২০ জুলাই ২০২৬, ১২:৫৪ PM



বিশ্বকাপ ফাইনালে প্রথমবারের মতো সুপার বোলের আদলে হাফটাইম শোর আয়োজন করেছিল ফিফা। নিউ জার্সির মেটলাইফ স্টেডিয়ামে জমকালো এ অনুষ্ঠানে পারফর্ম করেছেন পপ তারকা শাকিরা, ম্যাডোনা এবং দক্ষিণ কোরিয়ার জনপ্রিয় ব্যান্ড বিটিএস।

অনেকের ধারণা ছিল, বিশ্বের অন্যতম বড় এই মঞ্চে পারফর্ম করার জন্য তারা বিপুল অঙ্কের পারিশ্রমিক পাবেন। তবে দ্য অ্যাথলেটিক-এর তথ্য অনুযায়ী, তিন শিল্পীই এই অনুষ্ঠানের জন্য কোনো অর্থ নিচ্ছেন না।

প্রতিবেদনে বলা হয়েছে, তারা নিজেদের সময় ও পারফরম্যান্স গ্লোবাল সিটিজেন-এর সামাজিক উদ্যোগের জন্য উৎসর্গ করেছেন। অর্থাৎ, পারিশ্রমিকের বদলে এই অনুষ্ঠানকে ব্যবহার করবেন একটি মানবিক বার্তা ছড়িয়ে দিতে।

এটি যুক্তরাষ্ট্রের সুপার বোল হাফটাইম শোর মতোই একটি প্রচলিত রীতি। সুপার বোলেও সাধারণত শিল্পীরা পারফরম্যান্সের জন্য আলাদা

পারিশ্রমিক পান না। বরং বিশ্বের সবচেয়ে বেশি দর্শকপ্রিয় টেলিভিশন সম্প্রচারের মাধ্যমে নিজেদের ব্র্যান্ড ও জনপ্রিয়তা আরও বাড়ানোর সুযোগ পান।

ফিফার তথ্য অনুযায়ী, ২০২২ সালের বিশ্বকাপ ফাইনাল বিশ্বজুড়ে প্রায় ১৪২ কোটি (১.৪২ বিলিয়ন) দর্শক দেখেছিলেন। ফলে এবারের হাফটাইম শোও বিশ্বের সবচেয়ে বড় দর্শকসমাগমের অন্যতম একটি মঞ্চ হয়েছে।

হাফটাইম শোটি পরিচালনা করেছেন কোল্ডপ্লে ব্যান্ডের প্রধান গায়ক ক্রিস মার্টিন। ফিফা সভাপতি জিয়ান্নি ইনফান্তিনো বলেছেন, শাকিরা, ম্যাডোনা ও বিটিএস-এর সংগীত সীমানা ও প্রজন্মের গণ্ডি অতিক্রম করে এবং এই আয়োজন হবে ফুটবল, ঐক্য ও মানবতার উদযাপন।

এ বিভাগের আরও খবর



তৃতীয় দিনের প্রথম সেশন শেষে বাংলাদেশের লিড ২১৯
মেহেদী হাসান মিরাজের ছক্কায় তৃতীয় দিনের প্রথম সেশন শেষ করল বাংলাদেশ। লাক্ণের আগে অস্ট্রেলিয়ার বিপক্ষে বাংলাদেশের লিড দাঁড়িয়েছে ২১৯ রানের। ১৩...



মিরাজের ফিফটিতে অস্ট্রেলিয়ার বিপক্ষে ৪০০ পেরোল বাংলাদেশ
ভারতীয়ের মারারা স্টেডিয়ামে অস্ট্রেলিয়ার বিপক্ষে দারুণ নিয়ন্ত্রণে রয়েছে বাংলাদেশ। দলীয় সংগ্রহ ৪০০ রান পেরিয়েছে। একই সঙ্গে লিডও ছাড়িয়েছে ২০০ র...



অস্ট্রেলিয়ার মাটিতে তানজিদের ইতিহাসপড়া সেধুরি
অবশেষে সঙ্গী পেলেন শাহরিয়ার নাফিস। শেষ হলো তাঁর ২০ বছরের অপেক্ষা। একই সঙ্গে অপেক্ষার অবসান হলো
বাংলাদেশেরও। অস্ট্রেলিয়ার বিপক্ষে সেধুরি করা...



সাকিবকে পেছনে ফেলে অনন্য কীর্তি গড়লেন মুশফিক
ভারতবর্মে বাংলাদেশ-অস্ট্রেলিয়া টেস্ট শুরু হয়েছে বৃহস্পতিবার। এই ম্যাচের মধ্য দিয়ে কমপক্ষে ১০০ টেস্ট খেলা ক্রিকেটারদের
মধ্যে প্রথম বাংলাদেশি হি...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/sports/haftaim-shote-kt-parishrmik-nilen-shakira>